

第一象 甲子

三三三

乾上乾下

識曰

茫茫天地

不知所止

日月循環

周而復始


頌曰

自從盤古迄希夷

虎鬥龍爭事正奇

悟得循環真諦在

試於唐後論元機



聖嘆曰此象主古今治亂相因如日月往來陰陽遞嬗卽孔子百世可知之意紅者爲日白者

爲月有日月而後晝夜成有晝夜而後寒暑判有寒暑而後歷數定有歷數而後統系分有

統系而後興亡見矣

第二象 乙丑 三三二二

巽下乾上 姤

識曰

纍纍碩果

莫明其數

一果一仁

卽新卽故


頌曰

萬物土中生。

二九先成實。

一統定中原。

陰盛陽先竭。



聖嘆曰一盤果子卽李實也其數二十一自唐高祖至昭宣凡二十一主二九者指唐祚二百

八十九年陰盛者指武曌當國淫昏亂政幾危唐代厥後開元之治雖足蠱貞觀而貴妃召

禍乘輿播遷女寵代興良娣繼之亦未始非陰盛之象

第三象

丙寅

三三

長下
乾上

遯



識曰

日月當空

照臨下土

撲朔迷離

不文亦武

頌曰

參遍空王色相空

一朝重入帝王宮

遺枝撥盡根猶在

喔喔晨雞孰是雄

聖嘆曰此象主武嬰當國廢中宗於房州殺唐宗室殆盡初武氏削髮爲尼故有參遍空王之句高宗廢后王氏而立之故有喔喔晨雞孰是雄之兆

第四象 丁卯 三三 坤下 否

識曰

飛者不飛 走者自走

振羽高岡 乃克有後

頌曰

威行青女實權奇 極目蕭條十八枝

賴有猴兒齊着力 已傾大樹仗扶持



聖嘆曰此象主狄仁傑薦張柬之等五人反周爲唐○武后嘗夢鸚鵡兩翼俱折狄仁傑曰武者陛下之姓也起二子則兩翼振矣五猴指張柬之等五人

第五象

戊辰

二二二

坤下
巽上 觀

識曰

楊花飛

蜀道難

截斷竹簫方見日

更無一吏乃平安


頌曰

漁陽鞞鼓過潼關

此日君王幸劍山

木易若逢山下鬼

定於此處葬金環



聖嘆曰一馬鞍指安祿山一史書指史思明一婦人死臥地上乃貴妃死於馬嵬驛截斷竹簫者肅宗卽位而安史之亂平

第六象 己巳 三三 坤下 艮上 剝



識曰

非都是都 非皇是皇

陰霾既去 日月復光

頌曰

大幟巍巍樹兩京 輦輿今日又東行
乾坤再造人民樂 一二年來見太平

聖嘆曰此象主明皇還西京○至德二載九月廣平王假鄆子儀收復西京十月收復東京安
史之亂盡弭十二月迎上皇還西京故云再造

第七象

庚午

三三

震下
乾上

无妄



識曰

旌節滿我目

山川踟我足

破關客乍來

陡令中原哭

頌曰

螻蟻從來足潰隄

六宮深鎖夢全非

重門金鼓含兵氣

小草滋生土口啼

聖嘆曰此象主藩鎮跋扈及吐蕃入寇中原

第八象 辛未

☷☱☲☳
坤上 晉



識曰

機槍血中土

破賊還爲賊

朶朶李花飛

帝曰遷大吉

頌曰

天子蒙塵馬首東

居然二傑踞關中

孤軍一駐安社稷

內外能收手臂功

聖嘆曰此象王建中之亂三人者李希烈朱泚李懷光也李懷光以破朱泚功爲盧杞所忌遂

反故曰破賊還爲賊三人先後犯闕德宗乘輿播遷賴李晟以孤軍收復京城而社稷重安

矣

第九象

壬申

三三

乾下

大有



識曰

非白非黑

草頭人出

借得一枝

滿天飛血

頌曰

萬人頭上起英雄。血染河山日色紅。
一樹李花都慘淡。可憐巢覆亦成空。

聖嘆曰此象主黃巢作亂○唐祚至昭宗朱溫弑之以自立改號梁溫爲黃巢舊黨故曰巢覆亦成空

第十象 癸酉

☵☵ 坎下坎上 坎

識曰

蕩蕩中原

莫禦八牛

泗水不滌

有血無頭

頌曰

一后二主盡升遐

四海茫茫總一家

不但我生還殺我

回頭還有李兒花



聖嘆曰此象主朱溫弑何皇后昭宣昭宗而自立所謂一后二主也未幾爲次子友珪所弑是

頌中第三句意李克用之子存勗代父復仇百戰滅梁改稱後唐是頌中第四句意

第十一象 甲戌

三二兌下節

識曰

五人同卜

非祿非福

兼而言之

喜怒哀樂

頌曰

龍蛇相鬥三十年。

一日同光直上天。

上得天堂好遊戲。

東兵百萬入秦川。

聖嘆曰此象指令人郭從謙作亂唐主爲流矢所中



第十二象 乙亥 ䷗ 震下屯



識曰

塊然一石 謂他人父

統二八州 已非唐土

頌曰

反兆先多口 出入皆無主

繫鈴自解鈴 父亡子亦死

聖嘆曰此象主石敬瑭求救于契丹○唐主遣張敬達討石敬瑭敬瑭不得已求救于契丹事

之以父禮賄之以幽薊十六州晉帝之立固契丹功也然卒以契丹亡故有繫鈴解鈴之兆

第十三象

丙子

三三三

上三下三

既濟



識曰

漢水竭

雀高飛

飛來飛去何所止

高山不及城郭低

頌曰

百個雀兒水上飛

九十九個過山西

惟有一個踏破足

高樓獨自理毛衣

聖嘆曰此象主周主郭威奪漢自立郭威少賤世稱之曰郭雀兒

第十四象 丁丑 二二三離下革 革

識曰

李樹得根芽 石榴漫放花

枯木逢春只一瞬 讓他天下競榮華

頌曰

金木水火土已終 十三童子五王公

英明重見太平日 五十三參運不通



聖嘆曰此象主周世宗承郭威受命爲五代之終世宗姓柴名榮英明武斷勤于爲治惜功業未竟而殂五代共五十三年凡八姓十三主頌意顯然

第十五象 戊寅

三三 離下 豐



識曰

天有日月

地有山川

海內紛紛

父後子前

識曰

戰事中原迄未休

幾人高枕臥金戈

寰中自有真天子

掃盡羣妖見日頭

聖嘆曰此象主五代末造割據者星羅棋布惟吳越錢氏

錢鏐

四世稍圖治安南唐李氏

李昇

三世略知

文物餘悉淫亂昏虐太祖崛起拯民水火太祖小名香孩兒手執帚者掃除羣雄也

第十六象 己卯

☷☷ 坤上坤下 明夷

識曰

天一生水

麥稟聖武

順天應人

無今無古

頌曰

納土姓錢并姓李

其餘相次朝天子

天將一統付真人

不殺人民更全嗣



聖嘆曰此象主宋太祖受禪汴都天下大定錢李二氏相率歸化此一治也

第十七象 庚辰

坤上師



識曰

聲赫赫

干戈息

掃邊氛

奠邦邑

頌曰

天子親征乍渡河。

歡聲百里起謳歌。

運籌幸有完全女。

奏得奇功在議和。

聖嘆曰此象主眞宗澶淵之役○景德元年契丹大衆入寇寇準勸帝親征完全女乃幸澶淵
既渡河遠近望見御蓋皆踴躍呼萬歲聲聞數十里契丹奪氣遂議和

第十八象 辛巳 三三長上 艮

識曰

天下之母

金刀伏兔

三八之年

治安鞏固

頌曰

水旱頻仍不是災。

力扶幼主鎮堦。

朝中又見釵光照。

宇內承平氣象開。

聖嘆曰此象主仁宗嗣立劉太后垂簾聽政旁有一犬其惟狄青乎



第十九象 壬午

三三 長上 貴



識曰

衆人屢屢

盡入其室

百萬雄師

頭上一石

頌曰

朝用奇謀夕喪師

人民西北盡流離

韶華雖好春光老

悔不深居坐殿墀

聖嘆曰此象主神宗誤用安石引用羣邪致敗邊釁用兵西北喪師百萬○熙寧初王韶上平戎三策安石驚爲奇謀力薦於神宗致肇此禍

第二十象 癸未

三三離上同人

識曰


朝無光 日月盲

莫與京 終旁皇

頌曰

父子同心并同道 中天日月手中物

奇雲翻過北海頭 鳳闕龍廷生怛惻



聖嘆曰此象主司馬光卒蔡京父子弄權羣小朋興賢良受鑑有日月晦盲之象

第二十一象 甲申

三三二 長上 損

識曰

空厥宮中

雪深三尺

吁嗟元儲

南轅北轍

頌曰

妖氛未靖不康寧

北掃烽烟望帝京

異姓立朝終國位

卜世三六又南行



聖嘆曰此象主金兵南下徽宗禪位○靖康元年十一月京師陷明年四月金以二帝及宗室

妃嬪北去立張邦昌爲帝卜世三六者舉其大數宋自太祖至徽欽凡一百七十二年

第二十二象

乙酉

三三

兌下

睽

識曰

天影當空

否極見泰

鳳凰森森

木葍大賴

頌曰

神京王氣滿東南。禍水汪洋把策干。

一木會支二八月。臨行馬色半平安。



聖嘆曰此象康王南渡建都臨安秦檜專權遂成偏安之局○木葍康王名構一木會支二八月者指秦檜也木會爲檜春半秋半郤成一秦字

第二十三象

丙戌

三二二
乾上履



識曰

似道非道

乾沈坤驗

祥光字內

一江斷楫

頌曰

胡兒大張撻伐威。兩柱擎天力不支。
如何兵火連天夜。猶自張燈作水嬉。

聖嘆曰此象主賈似道當權汪立信文天祥輩不能以獨力支持宋室襄樊圍急西子湖邊似

道猶張燈夜宴宋室之亡其宜也

第二十四象

丁亥

三三二

兌下巽上

中孚

識曰

山厓海邊

不帝亦仙


二九四八

於萬斯年

頌曰

十一卜人小月終。回天無力道俱窮。

千戈四起疑無路。指點洪濤巨浪中。



聖嘆曰此象主帝昺遷崖山○元令張弘範來攻宋將張世傑兵潰陸秀夫負帝赴海宋室以

七

第二十五象

戊子

三三

長下
巽上漸

識曰

北帝南臣

一兀自立

幹難河水

燕巢補戮

頌曰


鼎足爭雄事本奇。

一狼二鼠判須臾。

北關鎖鑰雖牢固。

子子孫孫五五宜。

聖歎曰此象主元太祖稱帝幹難河太祖名鐵木真元代凡十主斧鐵也柄木也斧柄十段卽
隱十主之意



第二十六象 己丑

三三震上震下震



識曰

時無夜

年無米

花不花

賊四起

頌曰

鼎沸中原木木來

四方警報起邊垓

房中自有長生術

莫怪都城澈夜開

聖歎曰此象主順帝惑西僧房中運氣之術溺於娛樂以致劉福通徐壽輝方國珍明玉珍張

士誠陳友諒等狼顧鷓鴣張乘機而起宦官樸不花壅不上聞至徐達常遇春直入京師都城

夜開毫無警備有元一代竟喪於淫僧之手不亦哀哉○劉福通立韓林兒爲帝故曰木木

第二十七象

庚寅

三三
坤上 豫



識曰

惟日與月

下民之極

應運而興

其色曰赤

頌曰

枝枝葉葉現金光。晃晃朗朗照四方。
江東岸上光明起。談空說偈有真王。

聖歎曰此象主明太祖登極太祖曾爲皇覺寺僧洪武一代海內熙洽治臻太平

第二十八象 辛卯

三三上震下解

識曰

草頭火脚

宮闕灰飛

家中有鳥

郊外有尼

頌曰

羽滿高飛日。

爭妍有李花。

真龍游四海。

方外是吾家。



聖歎曰此象主燕王起兵李景隆迎燕兵入都宮中大火建文祝髮出亡

第二十九象 壬辰

三三二 震上恒



識曰

枝發厥榮

爲國之棟

皞皞熙熙

康樂利衆

頌曰

一枝向北一枝東。又有南枝種亦同。

字內同歌賢母德。眞有三代之遺風。

聖歎曰此象主宣宗時張太后用楊士奇楊溥楊榮三人能使天下又安希風三代之遺風也

○時人稱士奇爲西楊溥爲南楊榮爲東楊

第三十象

癸巳

☵☶

巽下
坤上升

識曰

半圭半林

合則生變

石亦有靈

生榮死賤

頌曰

缺一不成也占先。

六龍親御到胡邊。

天心復見人心順。

相克相生馬不前。



聖歎曰此象主張太后崩權歸王振致有也先之患其後上皇復辟石亨自誦首功卒以恣橫
伏誅此一亂也

第三十一象 甲午

三三 巽下 家人



識曰

當塗遺孽

穢亂宮闕

一男一女

斷送人國

頌曰

忠臣賢士盡沈淪

天啓其衷亂更紛

縱有胸懷能坦白

乾坤不屬舊明君

聖歎曰此象主天啓七年間妖氛漫天元氣受傷一男一女指魏闈與客氏而言○客氏熹宗

乳母稱奉聖夫人

第三十二象

乙未

井

巽下坎上

識曰

馬跡北闕

犬嗥西方

八九數盡

日月無光

頌曰

楊花落盡李花殘。五色旗分自北來。
太息金陵王氣盡。一枝春色占長安。



聖歎曰此象主李闢張獻忠擾亂中原崇禎投繯梅山福王偏安不久明祀遂亡頌末句似指胡后大有深意


第三十三象

丙申

三三

巽上兌下

大過



識曰

黃河水清

氣順則治

主客不分

地支無子

頌曰

天長白瀑來

胡人氣不衰

藩籬多撤去

稚子半可哀

聖歎曰此象乃滿清入關之徵反客爲主殆亦氣數使然非人力所能挽回歟遼金而後胡人

兩主中原觥觥漢族對之得毋有愧

第三十四象

丁酉

三三

巽上

巽



識曰

頭有髮

衣怕白

太平時

王殺王

頌曰

太平又見血花飛

五色章成裏外衣

洪水滔天苗不秀

中原曾見夢全非

聖歎曰證已往之事易推未來之事雖然既證已往不得不推及將來吾但願自此以後吾所

謂平治者幸而中吾所謂不平治者幸而不中而吾或可告無罪矣○此象疑遭水災或兵

戎與天災共見此一亂也

第二十五象

戊戌

三三

巽下

隨



聖歎曰此象疑有出狩事亦亂兆也

識曰

西方有人

足踏神京

帝出不還

三台扶傾

頌曰

黑雲黯黯自西來。帝子臨河築金台。
南有兵戎北有火。中興曾見有奇才。

第三十六象 己亥

三三乾下 小畜



識曰

纖纖女子

赤手禦敵

不分禍福

燈光蔽日

頌曰

雙拳旋轉乾坤

海內無端不靖

母子不分先後

西望長安入覲

聖歎曰此象疑一女子能定中原建都長安

蘇子瞻詩大任也

第三十七象 庚子

三三三
益

巽上
震下



識曰

漢水茫茫

不統繼統

南北不分

和衷與共

頌曰

水清終有竭

倒戈逢八月

海內竟無王

半凶還半吉

聖歎曰此象雖有元首出現而一時未易平治亦一亂也

光清即皇帝也

第三十八象 辛丑

三三 巽下 噬嗑

識曰

門外一鹿 羣雄爭逐

劫及鳶魚 水深火熱

頌曰

火運開時禍蔓延 萬人後死萬人先

海波能使江河濁 境外何殊在目前



聖歎曰此象兵禍起于門外有延及門內之兆

國殊軍

第三十九象

壬寅

二二二

巽下

頤

識曰

鳥無足

山有月

旭初升

人都哭

頌曰

十二月中氣不和

南山有雀北山羅

一朝聽得金雞叫

大海沈沈日已過

聖歎曰此象疑外夷爭門擾亂中原必至酉年始得平定也



第四十象

癸卯

☱☱

巽下
艮上 蠱



識曰

一二三四

無土有主

小小天罡

垂拱而治

頌曰

一口東來氣太驕。

脚下無履首無毛。

若逢木子冰霜渙。

生我者猴死我雕。

聖歎曰此象有一李姓能服東夷而不能圖長治久安之策卒至旋治旋亂有獸活禽死之意

也

第四十一象 甲辰

三三

離
離上離下



識曰

天地晦盲

草木蕃殖

陰陽反背

上土下日

頌曰

帽兒須戴血無頭

手弄乾坤何日休

九十九年成大錯

稱王只合在秦州

聖歎曰此象一武士擅握兵權致肇地覆天翻之禍或一白姓者平之

第四十二象 乙巳

䷗

長下
離上

旅

識曰

美人自西來 朝中日漸安

長弓在地 危而不危

頌曰

西方女子琵琶仙 皎皎衣裳色更鮮

此時渾跡居朝市 開亂君臣百萬般

聖歎曰此象疑一女子當國服色尚白大權獨攬幾危社稷發現或在卯年此始亂之兆也



第四十三象

丙午

三三

鼎



識曰

君非君

臣非臣

始艱危

終克定

頌曰

黑兔走入青龍穴。

欲盡不盡不可說。

惟有外邊根樹上。

三十年中子孫結。

聖歎曰此象疑前象女子亂國未終君臣出狩有一傑出之人爲之底定然必在三十年後

第四十四象

丁未

三三

坎下

未濟

識曰

日月麗天

羣陰懾服

百靈來朝

雙羽四足

頌曰

中國而今有聖人。

雖非豪傑也周成。

四夷重譯稱天子。

否極泰來九國春。

聖歎曰此象乃聖人復生四夷來朝之兆一大治也



第四十五象 戊申

☵☲☱☴
艮上 坎下 蒙

識曰

有客西來

至東而止

木火金水

洗此大恥

頌曰

炎運宏開世界同

金烏隱匿白洋中

從今不敢稱雄長

兵氣全銷運已終



聖歎曰此象于太平之世復見兵戎當在海洋之上自此之後更臻盛世矣

第四十六象 己酉三三坎下巽上 渙

識曰

黯黯陰霾 殺不用刀

萬人不死 一人難逃

頌曰

有一軍人身帶弓 只言我是白頭翁

東邊門裡伏金劍 勇士後門入帝宮


聖歎曰此象疑君王昏瞶一勇士仗義與兵爲民請命故曰萬人不死一人難逃



第四十七象 庚戌

三三

坎下 乾上 訟



識曰

偃武修文

紫薇星明

匹夫有責

一言爲評

頌曰

無王無帝定乾坤

來自田間第一人

好把舊書多讀到

義言一出見英明

聖歎曰此象有賢君下士豪傑來歸之兆蓋輔助得人而帝不居德王不居功蒸蒸然有無爲

而治之盛此一治也

第四十八象

辛亥

三三

離上

同人

識曰

卯午之間

厥象維離

八牛牽動

雍雍熙熙

頌曰

水火既濟人民吉。手執金戈不殺賊。


五十年中一將臣。青青草自田間出。



聖歎曰此象疑一朱姓與一苗姓爭奪朝綱而朱姓有以德服人之化龍蛇相鬥想在辰巳之年其建都或在南方

第四十九象 壬子

三三坤上坤



識曰

山谷少人口

欲剿失其巢

帝王稱弟兄

紛紛是英豪

頌曰

一個或人口內啼

分南分北分東西

六爻占盡文明見

棋布星羅日月齊

聖歎曰久分必合久合必分理數然也然有文明之象當不如割據者之紛擾耳

第五十象

癸丑

☷☱

震下復
坤上



識曰

水火相戰

時窮則變

貞下起元

獸貴人賤

頌曰

虎頭人遇虎頭年

白米盈倉不值錢

豺狼結隊街中走

撥盡風雲始見天

聖歎曰此象遇寅年必遭大亂君昏臣暴下民無生息之日又一亂也

第五十一象 甲寅

坤上臨



識曰

陰陽和

化以正

坤順而感

後見堯舜

頌曰

誰云女子尙剛強。坤德居然感四方。
重見中天新氣象。卜年一六壽而康。

聖歎曰此象乃明君得賢后之助化行國內重見昇平又一治也

第五十二象

乙卯

三三

乾上坤下泰

識曰

彗星乍見

不利東北

蹢蹢何之

瞻彼樂國

頌曰

機槍一點現東方

吳楚依然有帝王

門外客來終不久

乾坤再造在角亢



聖歎曰此象主東北被夷人所擾有遷都南方之兆角亢南極也其後有明君出驅逐外人再

慶昇平

第五十三象

丙辰

三三

乾下

大壯

識曰

關中天子

禮賢下士

順天休命

半老有子

頌曰

一個孝子自西來。

手握乾綱天下安。

域中兩見旌旗美。

前人不及後人才。



聖歎曰此象乃一秦姓名孝者登極關中控制南北或以秦爲國號此一治也

第五十四象

丁巳

三三

乾下
兌上
夬

識曰

磊磊落落

殘棋一局

啄息苟安

雖笑亦哭

頌曰

不分牛鼠與牛羊

去毛存萼尙稱強

寰中自有真龍出

九曲黃河水不黃



聖歎曰此象有實去名存之兆或如周末時號令不行尙頌正朔亦久合必分之徵也

第五十五象

戊午

三三

坎上
下需



識曰

懼則生戒

無遠勿届

水邊有女

對日自拜

頌曰

覬覦神器終無用。翼翼小心有臣衆。
轉危爲安見節義。未必河山是我送。

聖歎曰此象有一石姓或劉姓一統中原有一姓汝者謀篡奪之幸有大臣盡忠王室戒謹惕勵一切外侮不滅自滅雖亂而亦治也

第五十六象 己未

☵☵ 坤上 比

識曰

飛者非鳥

潛者非魚

戰不在兵

造化游戲

頌曰

海疆萬里盡雲烟。

上迄雲霄下及泉。

金母木公工幻弄。

干戈未接禍連天。



聖歎曰此象行軍用火即戰不在兵之意頌云海疆萬里則戰爭之烈不僅在于中國也

第五十七象

庚申

三三

兌上兌



識曰

物極必反

以毒制毒

三尺童子

四夷警服

頌曰

坎離相尅見天倪

天使斯人弭殺機

不信奇才產吳越

重洋從此戢兵師

聖歎曰此象言吳越之間有一童子能出奇制勝將燎原之火撲滅淨盡而厄運自此終矣又

一治也

第五十八象

辛酉

三三

坎下

困

識曰

大亂平

四夷服

稱弟兄

六七國

頌曰

烽烟淨盡海無波。

稱帝稱王又統和。

猶有煞星隱西北。

未能遍唱太平歌。



聖歎曰此象有四夷來王海不揚波之兆惜乎西北一隅尙未平靖猶有遺憾又一治也

第五十九象

壬戌

三三

艮下

咸



識曰

無城無府

無爾無我

天下一家

治臻大化

頌曰

一人爲大世界福

手執籥筒拔去竹

紅黃黑白不分明

東南西北盡和睦

聖歎曰此乃大同之象人生其際飲和食德當不知若何愉快也惜乎其數已終其或反本歸

原還於混噩歟

第六十象

癸亥

二二

坤上萃

識曰

一陰一陽

無終無始

終者自終

始者自始

頌曰

茫茫天數此中求

世道興衰不自由

萬萬千千說不盡

不如推背去歸休



聖歎曰一人在前一人在後有往無來無獨有偶以此殿圖其寓意至深遠蓋無象之象勝於有象我亦以不解解之著者有知當亦許可